



UNIVERSITÄTS-
BIBLIOTHEK
PADERBORN

Tyrocinium Artis Oratoriæ Sacræ Et Profanæ

Moine, Joseph

Solodori, 1714

9. De inventione Amplificationis verborum.

[urn:nbn:de:hbz:466:1-68834](#)

Totus ardeat orator. Idcirco sibi vires ad hæc extrema reservet. 7. Naturam in Affectionibus provocandis proximè imitetur.

CAPUT IX.

De inventione Amplificationis Verborum.

I. **Q**uotplex est Amplificatio? Resp. Duplex. *Rerum*, de qua proximis capitibus actum, & *Verborum*, quam nunc, tanquam partem minimè postremam Rhetoricae fusiùs tractare aggredior.

Amplificatio
verborum
quid.

II. Quid est Amplificatio Verborum? Resp. Est rerum inventarum fusior cum ornatu dilatatio. *Rhetorica convenientiam habet cum Dialectica. Arist. L. I. Rhet. c. I.* Comparat Zeno Stoicus Logicam pugno, Rhetoricam palmæ, seu manui contractæ & exponrectæ; alii conferunt illam tenui rivulo, hanc torrenti latè planitem obtegenti, quòd, cùm utraque amplificet, Logica id pressiùs faciat intra limites contractarum ratiocinationum, Rhetorica iisdem quidem & ipsa utatur, sed fusiùs diductis. Validiora certè sunt, quæ in ratiocinatione fundantur, nec animus resistit, ubi videt Religionem concordare cum ratione.

III. Quo

III. Quot modis fit Amplificatio Verborum? Resp. Plurimos quidam afferunt; ego eos feligam, qui meliores videbuntur, & per distincta capita claritatis causâ deducam.

IV. Quod est fundamentum omnis Amplificationis? Resp. Juxta mea principia est ^{Eius funda-} Ratiocinatio, de qua idcirco primo loco a-
gendum.

V. Unde igitur, & qua methodo inchoanda est Amplificatio? Resp. Ordior hinc trahere doctrinam, Libro 6. melius exemplis declarandam, quæ uti non penitus nova est, ita pluribus incognita, & forte, si ritè percipiatur, à pluribus exercenda. Certè novi, qui orationes modo, nunc explicando, componentes miram facilitatem experiantur. Aio igitur, Amplificationem incipiendam à Propositione totius Orationis; hoc modo. Inventâ Propositione forma Syllogismum, vel aliam Argumentationem, cuius Complexis, seu Conclusio contineat hanc ipsam Propositionem Orationis. E. G. Tua Propositio est: *Qui saepe relabitur in peccata mortalia, aliquando inopinatò non surget.* Hinc confice istum Syllogismum: *Non possumus surgere à lapsu in peccatum mort. fine speciali gratia Dei. Qui frequenter relabitur in peccata mort. aliquando inopinatò non habebit talem specialem gratiam Dei: Igitur qui frequenter relabitur in peccata mortalia, aliquando inopinatò non surget.* Jam ex

Modus per
Ratiocinatio-
nem.

hac & similibus Argumentationibus , quæ sunt fundamentum & synopsis totius Orationis , sume pro Exordio illam partem (si-
ve sit Major , sive Minor propositio Syllo-
gismi , quas duas partes Rhetorica Propo-
sitionem & Assumptionem vocat) quæ proba-
tione minus indiget . Illam , quæ proba-
tionem desiderat , serva pro Confirmatione .
Ex Complexione seu Conclusione istius Syl-
logismi confice Epilogum . Quo fiet , ut ,
quemadmodum oportet , idem , licet non
eodem modo , nec iisdem verbis , dicas in
Epilogo , quod dixisti in Propositione to-
tius Orationis , atque ab ejus principio usq;
ad finem inhæreas tuo proposito , hac pri-
maria Argumentatione velut cancellis inclu-
sus . Dum contrà videmus , quod non raro
liber orator ita evagetur , ut planè suæ pro-
positionis oblitus aliud in Epilogo conficiat ,
quam quod initio proposuit . Quodsi modo
iste nihilominus tibi forsan non probe-
tur , per me illo abstine : æquè tamen ad
alias orationes , tuo modo faciendas , ser-
vient , quæ hætenus dicta sunt , & in se-
quentibus dicentur .

vi. His positis , quomodo continuatur Am-
plificatio ? Resp. Inhærendo allato exemplo ,
Major , sive Propositio Syllogismi funda-
mental is (sic ipsum vocare placet) est satis
liquidæ veritatis . Cùm igitur probatione
non egeat , erit materia Exordii , præcisè di-
latanda

latanda modo aliquo ex postea referendis. Hanc ita dispone, ut Propositio Orationis sub finem Exordii non tantum quomodo cunque ponatur, sed ita naturaliter ex constitutione & contextu Exordii nascatur, & quasi emanet, ut si quid aliud, quam hanc ipsam Propositionem, velles afferre, minime quadraret. Sed his L. 6. exempla dabunt majorem claritatem. Inde transi ad Confirmationem, quae in hoc argumento assumenda est ex Minore seu Assumptione Syllogisini primarii, cum ista probationem requirat. Itaque ex Locis oratoriis quare argumenta. V. G. 1. Quod frequentiores sunt lapsus, et gravius Deus irritabitur. 2. Ita irritatus graviter puniet subtrahendo efficacem gratiam resurgendi. Quae sunt ambo petita ex Loco Effectorum. Haec argumenta iterum dilata per argumentationem hoc modo: Primum. Cum Deus quolibet peccato irritetur, tanto magis irritabitur, quanto infidelitas gratiae exhibita fuit major. Tanto haec est major, quanto frequentior: Igitur quanto infidelitas Gratiae exhibita frequentior fuit, tanto magis Deus irritabitur. Secundum. Cum quodvis peccatum mereatur penam, plura graviores morentur. Sed non est gravior pena, quam subtractio Gratiae efficacis a peccato resurgendi: Igitur plura peccata hanc merentur. Jam ex his Argumentationibus argumentorum sume unam partem post alteram, per modos amplificationum dilatandam. Potes autem

incipere à parte, qua lubet, quæque tibi magis idonea videtur pro facienda connectione cum præcedentibus & sequentibus. Uno argumento absoluto fac transitionem ad alterum, modo infra quoque ostendendo. Illud pari ratione rursus amplifica. Sequetur Confutatio, vel Epilogus, cuius amplificandi methodum suo loco declarabo. Hunc modum argumenta per argumentationes dilatandi Ciceroni fuisse usitatum, demonstrant Freigius in Coment. in Cicer. & P. du Cygne in Analyssi Ciceron.

VII. Quid verò faciendum, si tam Major quam Minor postulat probationem? Resp. Erit nihilominus ex duabus his Propositio-nibus controversis una certior alterâ. Certiorem, si lubet, adhibere poteris pro materia Exordii, in quo necesse erit illam breviter rationibus stabilire. Quoniam tamen periculum est, ne propter has probationes Exordium ultra convenientem magnitudinem excrescat, suaserim utramque propositionem dubiam ad Confirmationem trans-ferre, probandam. At unde dein Exordium? Resp. Ex visceribus causæ, h.e. argumentis secuturis, jam in Exordio aliquo modo indicatis; prout aliàs dicetur. Interim constet ex modò dictis, argumentationem esse fun-damentum Dilatationis, quam propterea oportet primo loco declarare. Sit igitur

CA-